



REPUBLIKA E SHQIPËRISË
BASHKIA SARANDË
DREJTORIA E SHËRBIMEVE PUBLIKE

Nr. 601/prot.

Sarandë më 23.10.2015

Lënda: Përgjigje kërkesës suaj për informim

QËNDRA "RES PUBLICA"
BULEVARDI "GJERGJ FISHTA", ND.24, H-3, AP- 44 KATI 9

TIRANË

Në mbështetje të kërkesës suaj Nr.prot. 168/15 drejtuar Bashkisë Sarandë po ju informojmë si më poshtë:

1. Kopje të planit të menaxhimit të mbetjeve në territorin e Bashkisë Sarandë

Bashkia Sarandë ka hartuar "Planin Lokal të Menaxhimit të Mbetjeve të Ngurta Urbane" që prej vitit 2013, por për arsye të ndryshme nuk është miratuar në Këshillin Bashkiak. Meqënëse kemi një riorganizim të pushtetit vendor, pra edhe kufijtë administrativë të Bashkisë Sarandë kanë ndryshuar ky plan do të rishikohet dhe do të përshtatet kushteve aktuale. Kopjen e këtij Plani të pamiruar po ju nisim elektronikisht.

2. Kopje të vlerësimit strategjik mjedisor, apo të studimeve gjeomjedisore, raport vlerësimi të ndikimit në mjedis të aktiviteteve të menaxhimit të integruar të mbetjeve në territorin e Bashkisë.

Nuk disponojmë dokumenta të sipërcituara

3. Lista e vendeve të mbledhjes/depotitimit të mbetjeve sipas llojit të tyre në territorin e Bashkisë tuaj, e landfillleve nëse ekzistojnë në territorin tuaj dhe vendndodhjen e tyre të saktë

Në territorin e Bashkisë Sarandë ndodhet venddepozitimi i mbetjeve urbane i cili funksiononte nga viti 1995 deri në 30 gusht 2015 në vendin e quajtur Volloder, përgjatë rrugës nacionale Sarandë - Vlorë. Nga data 1 shtator 2015 ky venddepozitim nuk funksionon për mbetjet urbane, pasi ato hidhen në landfillin e ndërtuar me fonde të Bankës Botërore, në Bajkaj, Bashkia Delvinë. Të gjitha të dhënat për venddepozitimet e mbetjeve mund ti gjeni në faqen zyrtare të Ministrisë së Zhvillimit Urban "*Harta dixhitale e Venddepozitimit të Mbetjeve*"

4. Lista e subjekteve të kontaktuara nga ana e Bashkisë tuaj për mbledhjen e mbetjeve sipas llojit të tyre, subjekte që veprojnë në territorin tuaj

Në territorin e Bashkisë Sarandë vepron subjekti “Korseli” sh.p.k. , i kontraktuar pas prokurimit të shërbimit të pastrimit “Për pastrimin , grumbullimin dhe transportimin e mbetjeve urbane”.

5. Kopje të kontratatës/ kontratave mes jush dhe subjekteve në fjalë lidhur me objekt menaxhimin e mbetjeve në territorin tuaj si dhe të lejeve mjedisore të disponuara prej tyre

Kopja e kontratës e lidhur ndërmjet bashkisë dhe kompanisë “Korsel” do dërgohet elektronikisht. Për arsye se materiali është voluminoz, nuk po e skanojmë por po dërgojmë kopjen e pafirmosur të cilën e kemi elektronikisht. Gjithashtu edhe leja mjedisore e marrë nga ky subjekt do të dërgohet elektronikisht.

6. Kopje të grafikut të shërbimeve që duhet të ofrojë kontraktori sipas kontratës së sipërpërmendur

Po dërgojmë në mënyrë elektronike një grafik shërbimesh për muajin shtator 2015 i cili është i ngjashëm edhe për muajt e tjerë.

7. Lista e subjekteve të emëruar nga Bashkia në cilësinë e supervizorit të mbikqyrjes së shërbimeve të Kontraktorit të superpërmendur.

Bashkia Sarandë ka të emëruar një person i cili bënë supevizorin e firmës së pastrimit i quajtur Arjan Hasipi.

8. Kopje të raportimeve dhe procesverbaleve mbajtur nga ana e supervizorit.

Elektronikisht po ju nisim një raportim ditor dhe një proces – verbal (data 15 shtator 2015) mbajtur nga supervizori. Sipas këtij formati janë për çdo ditë.

Siç e kemi theksuar më lartë , duke qenë se materiali i kërkuar nga ana juaj është voluminoz po e nisim të tërë në formë elektronik (në këtë rast një pjesë e materialit nuk është i firmosur)

Ju faleminderit për bashkëpunimin !

Kryetare

FLORJANA KOKA
